



74
6644
10



74
6644
10

大清通禮卷之三十七

嘉禮

太和殿筵燕之禮恭遇

皇帝萬壽聖節元旦及

大慶典。豫日。禮部。疏請舉行筵燕。領侍衛內大臣。奏請

命進酒大臣。既得

旨。乃徧布諸司。供備。屆日。尚茶。庀茶。尚膳。庀

御饌。王以下。入八分。公以上。進饌。筵牲酒。光祿寺。供酒席。

兩翼供羊。辰刻。

<99-1267>

法駕鹵簿樂懸依次陳設於

太和殿。詳見朝賀儀。笳吹隊舞雜技百戲。竣於

殿外東隅。尚膳總領內管領豫於

寶座前設

御筵。加黃幕。武備院張黃幕。於丹陛上正中。內務府掌儀司設反坫於幕內。尊爵金卮。壺勺具。禮部張青幕於丹墀內鹵簿之後。東西各八。光祿寺每幕置尊陳官饌具席。皆有幕。

右陳設

乃布席。領侍衛內大臣。內務府大臣。禮部理藩院尚書。侍郎。朝服視席。布內外王公額駙。台吉。及入班大臣等席於

殿內。東西各七行。東席西向。當東楹。西席東向。當西楹。均北上。

寶座左右。布後扈大臣席。稍後僉向。

寶座前左右。布前引大臣席。東西相向。

寶座後左右。布領侍衛內大臣席。又西。布

日講起居注官席。均南向。

殿門外西檐下布左都御史副都御史席。東向。丹陛左
 右。布一二品大臣。一二品世爵暨侍衛席。東西向。東
 當東懸之外。西當西懸之外。北上。禮部尚書侍郎席
 於黃幕左。內務府總管席於黃幕右。丹墀左右。青幕
 內。布三品以下。文武百官席。按翼為序。如常朝之位。
 均東西向。外國陪臣來朝者。席於西班之末。東向。
 右布席

已刻。內外諸王。貝勒。貝子。公。額駙。台吉等。朝服集

太和門外。文武大臣百官朝服。外國陪臣服本國服。集

午門外。午刻。鴻臚寺官引宗室王公暨大臣理藩院官

引外藩王公台吉。在丹陛上。又引文武百官。在丹墀

內。分翼序立。禮部尚書奏請

御殿。

皇帝禮服。乘輿出宮前。引後扈。如常儀。

午門鳴鐘鼓。中和韶樂作。奏隆平之章。樂辭見朝賀儀後同

皇帝降輿入

殿北門。

陛御座。樂止。階下三鳴鞭。鴻臚寺理藩院官分引內外王

大清通禮 卷三十一
三
公台吉暨入班大臣等由

殿左右門入就位。行一叩禮。坐。鴻臚寺引一二品大臣暨一二品世爵侍衛等官就丹陛上。又引三品以下文武各官就丹墀青幕內。按翼依次於本位行一叩禮。又引外國陪臣於右翼班次之末就位。行一叩禮。皆坐。

右就位

迺進茶。丹陛清樂作。奏海宇昇平日之章。尙茶暨侍衛執事官舉茶案。以次由中道進至檐下。進茶官奉

茶入

殿中門。王以下成就本位跪。進茶官自

寶座中陞升跪進

皇帝茶。興立於右。王以下行一叩禮。進茶官跪受茶甌。由

右陞降出中門。羣臣咸坐。侍衛內務府護軍等分

賜王以下文武百官暨外國陪臣茶。各於坐行一叩禮。飲

訖。復叩坐。尙茶徹茶案。樂止。

右進茶

尙膳總領護軍叅領內管領入

殿由東西陞升展

御筵幕執事官並徹王以下席幕各退。迺進酒。內務府掌儀司官三人由黃幕內。一人奉壺。一人奉爵。一人執金卮。以次進至

殿中門闕外之左。西面立。丹陛清樂作。奏玉殿雲開之章。進爵大臣興。離席。釋補服。王以下皆興。進爵大臣入

殿中門。北面跪。王以下咸於坐跪。掌儀司官舉壺。實酒於爵。由中門入。西面跪。授爵。興。退。進爵大臣奉爵。興。

自

寶座中陞升。至

御前。當右。北面跪。恭進

皇帝酒。興。由右陞降。復位。行一叩禮。王以下皆隨行禮。進爵大臣興。由右陞升。跪受爵。仍由中陞降。復位。跪。掌儀司官入。跪受虛爵。以退。迺以金卮酌酒。承

旨。賜進爵大臣酒。王以下起立。掌儀司官入。立授卮。進爵大臣受卮。行一叩禮。飲卒。卮。掌儀司官立受虛卮。退。進爵大臣叩。如初。興。王以下皆坐。進爵大臣出

大清通志 卷三十一
殿右門加補服入席坐執事官分
恩賜果食於羣臣各於坐行一叩禮樂止

右羣臣奉觴上壽

迺進饌尙膳以饌入恭進於

皇帝前中和清樂作奏萬象清寧之章執事官分

恩賜餽饌於羣臣叩如前儀尙膳率屬昇反坫案至

殿中階下領侍衛內大臣東西各二人興離席視侍衛

行殿陛諸王大臣酒光祿寺官行丹墀青幕內文武

各官暨外國陪臣酒王以下各就本位行一叩禮飲

畢叩如初坐樂止

右行羣臣酒

是時禮部滿尙書侍郎率官屬引慶隆舞進司章東

面奏歌司舞節面具乘馬進揚烈舞司弦司箏司

阮司節司拍司拊諸樂人各奏其技喜起舞大臣十

有八人朝服由

殿左門入詣正中跪三叩興退立於左循歌聲按對起

舞歌辭曰於鑠

皇清受命於

天光延鴻祚。億萬斯年。天開令節。瑞啟階奠。共球萬國。

聖壽千齡。粵自我先。肇基俄朶。長白之山。鵲啣朱果。綿綿

瓜瓞。長發其祥。篤生

列祖。積慶重光。式擴舊疆。東訖海表。

聖聖相承。永世克紹。一章赫赫

神功。龍飛崛起。戎甲十三。奮迹伊始。復讐靖難。首克圖倫。天

戈一指。震懾強鄰。九姓潛侵。滅跡如掃。蒙古五部來

奉

大號。明師四路。五日而殲。定鼎遼瀋。都城巖巖。陣雲五色。

江冰夜凝

天助有德。應運而興。二章天亶聰明。覆幬下國。遠服邇歸。誕敷

文德。四方來附。雲集景從。建長命官。庶職是綜。爰創

國書。頡文羲畫。聲協元音。萬古不易。爰定軍制。采旄

央央。或純或閒。永奠八方。締造鴻模。創成大業。錫福

無疆。慶鍾千葉。三章佑啟

哲嗣。光闡前猷。昭宗駿德。誕迓

天庥。攜貳綏懷。朝鮮歸欵。世奉東藩。釐爾圭瓚。三十五部。厥

角稱臣。西北佛土。重譯來賓。濯征有明。耀師齊魯。電

大清通志 卷三十一
掃郊圻有而弗取畧地松杏屢殪敵軍百戰百克用

集大勲四章

帝德廣運昭受鴻名建國紀元永定大清敦睦九族彝倫式

叙尚德親賢股肱心膂三館是闢鑑古崇儒郊社禘

嘗式賁皇圖爵秩以班六曹承政百工允釐萬邦表

正威樂函夏德配蒼穹敬承無斁駿烈豐功五章

帝授神器統一寰瀛剪滅巨寇乾坤載清一著戎衣若雨甘

雨大告武成作神人主

躬親大政飭紀整綱制禮作樂昭示典常納諫任賢慎微慮

遠定律省刑萬世垂憲克勤克儉忠厚開基景命維

新兢業自持六章

聖神建極道冠百王六十一年福祚久長天縱聰明冲齡御

宇孝奉

兩宮德隆千古三孽蠢動一舉蕩平海氛永靖浪息長鯨

親御六師三征沙漠威肅惠懷鋤頑撫弱禹功底績虞典時

巡敷天率土莫不尊親七章惟天行健

神聖則之典學勤政作君作師無逸爲箴宵衣旰食

一人憂勞綏此萬國文經武緯地平天成中和立極玉振

大清通志 卷三十一
金聲億萬斯年。觀光揚烈敬。

天勤民體元作哲。

天鑒孔彰。翼翼後王。儀型

皇祖。帝祚遐昌。八章 瑤圖炳煥。六合雍熙。星輝雲爛。風雨以時。

翁受嘉祥。調和玉燭。治藹皇風。道光帝籙。東漸西被。

北燮南諧。梯航琛賚。畢致堯階。日升月恒。萬邦蒙福。

擊壤歌衢。嵩呼華祝。秩秩盛儀。洋洋頌聲。紹休

烈祖。永慶昇平。九章 大臣每對舞畢。行三叩禮。歌闌退。又引歌

箛吹樂人入

殿歌辭曰。

人君之樂。恃此紀綱。兆民之樂。恃我

君王。室家孔宜。夫君之力。朋友有成。和輯之德。一章 瞻彼中

林。芄芄萬木。旃檀有香。生是使獨。萬類咸若。攘攘芸

芸。民之父母。首出

一人。二章 大海之水不可量。天府寶藏奚渠央。良朋和睦益

無方。

聖有謨訓。垂無疆。三章 惟安惟和。心意所欲。無貳無虞。朋友

式穀。四章 遵王之路兮愆尤希。素位而行兮夫奚疑。五章

載飛載翔。惟翮是憑。為聲為律。惟心是經。射之能中。

惟指是憑。交之能善。惟和斯恒。六章日將出兮。明星煌

煌。壽斯徵兮。秀眷其龐。三十維壯。五十遲暮。莫親祖

母。莫尊祖父。七章穀之成雛兮。孚化之功。羽用為儀兮。

賦命之隆。八章嗟余生之歡樂兮。似黃離之盈昃。感韶

光之荏苒兮。似葉上之青色。九章

一人首出。萬國尊親。湛恩汪濊。普被生民。百花敷榮。一日

悅目。灌頂寶光。萬眾所伏。十章維勤斯哲。安不可懷。溺

茲小樂。至樂難期。十一章乾照無私。聖教無類。謨訓洋

洋。鑿斯不昧。十二章惴惴原獸。思全其身。兢兢庶士。思

庇後昆。十三章息影原野。消聲山澤。虛棄此身。良足可

惜。令名是期。永永無斁。十四章際

聖明時。良我福只。橫被恩澤。良我祿只。十五章騏驥不羣。蹇

驢。鴻鵠不借斤鷄。騶虞不遁狐狸。

聖哲不昵愚賤。十六章福慧天直。誠哉難覯。通人達士。豈奚

易近。十七章葱兮蒨兮。山有芳蘭。儻兮祁兮。首有妙鬢。

十八章歌畢。又歌番部合奏樂。辭曰。元緯是依。明神是

祇。一心至誠。昭事勤只。巍巍

大清通志 卷三十七
大君永底烝民。中心愛戴。稽首來臣。念人生之無常兮。合

勤修夫善行。信百行之咸善兮。終和平而神聽。章一

大君至聖。教敷率土。救寧萬邦。拜跪奉

主。二。章。不顯。

元后。惠懷萬方。國彥棐恭。協贊邦常。率土之濱。誠意溥將。

咸拜稽首。依戴

聖皇。三。章。皇皇。

聖明。無遠弗燭。林林衆庶。無思不服。元元惠心。為善去惡。

聖人之邦。長生永樂。四。章。承乾體元。惟我。

聖君。光開草昧。惟我

聖君。綱紀庶政。惟我

聖君。父母萬國。惟我

聖君。惟我

聖君。兮。覆幬如天。惟我

聖君。兮。自新新民。惟我

聖君。兮。中外乂安。惟我

聖君。兮。羣慝消淪。拜手稽首兮。頌溢兆民。五。章。大地茫茫。大

海滄滄。豈伊無寶。求之奚方。自古在昔。為君為王。膺

大清通志 卷三十一
圖御宇命不于常實心實政患此萬邦。

聖御大寶繫惟我

皇繫惟我

皇兮疇可與之頡頏。六章歌畢內務府官引朝鮮國併入陳

百戲畢咸退。

右樂舞入侑

行酒畢樂舞退尚膳升徹

御筵降王以下咸起立王公大臣出

殿左右門鴻臚寺理藩院官引王公至丹陛拜位序立。

引文武大臣降東西階丹墀內首官出幕成就東西

拜位序立北面聽贊行一跪三叩禮丹陛大樂作奏

慶平之章禮畢樂止鳴鞭如初中和韶樂作奏顯平

之章。

皇帝還宮樂止羣臣皆退所司徹席幕各退。

右謝恩

慈寧宮筵燕之禮恭遇

皇太后萬壽聖節元旦

元旦設燕於次日

及諸

慶典豫日禮部疏請得

旨下所司戒備。內務府奏請

欽命進爵命婦。尚膳內管領。庀

皇太后。

皇后御饌。

皇貴妃。

貴妃。

妃。

嬪。燕席。親王。郡王。進饌筵。牲酒。光祿寺。庀席。屆日。內鑾

儀衛設

皇太后儀駕。鹵簿。內監設樂懸。均如朝賀儀。公主。福晉。夫人。

命婦。咸朝服。集

永康右門外。祇埃。武備院張黃幕於

慈寧門外階下正中。內管領設反坫於幕下。尊爵。金卮。壺

勺。具。尚膳女官。內管領妻。入

殿。布席。

寶座前設

皇太后御筵。加黃幕。

寶座之東。為

皇后御筵西南向。稍後左右為

皇貴妃。

貴妃。

妃。

嬪。筵東西向。再後左右為公主福晉以下鄉君入八分

公夫人以上席。重行。

殿外丹陛左右為公侯伯子男滿一二品大臣命婦。席

均重行。東西向。北上。席皆加幕。

右陳設布席

辰刻內監引公主福晉以下。一品以上命婦自

永康右門入

慈寧門序立於東西丹墀內。已刻。禮部尚書侍郎轉傳內

監奏請

皇后詣

皇太后宮筵燕。

皇后率

皇貴妃。

貴妃。

妃。

嬪具禮服。陞輿。以次出。

啟祥門。前引命婦八人恭導。由

慈祥門入。至

徽音左門外。降輿入。

皇后進至殿內。東向立。

皇貴妃。

貴妃。

妃。

嬪隨入。東西序立。公主。福晉夫人。命婦。按翼升丹陛。東

西面序立。均北上。引禮女官轉傳內監奏請

皇太后御慈寧宮。

皇太后禮服出。中和韶樂作奏豫平之章。

樂辭詳朝賀儀後同。

陞寶座。樂止。引禮女官引公主。禮晉夫人。以次入

殿就燕位。次引大臣命婦就燕位。

皇后率

妃

嬪以下。各於本位行一拜禮。坐。公主禮晉以下。皆一叩。

各就位坐。迺進茶。丹陛清樂作。奏海宇昇平日之章。
 尚茶女官率尚茶婦舉茶案。由中道進至。
 殿檐下闕外正中。北面跪。進茶女官奉茶入。
 殿中門。由中陞升。至。

皇太后寶座前。跪。進茶。興。東面立。

皇后率

妃

嬪以下。行一拜禮。公主福晉以下。隨行禮。坐。女官跪受。
 茶甌。由右陞降。退出。

殿中門。侍衛妻進

皇后茶。次分

賜

皇貴妃

貴妃

妃

嬪。公主。禮晉夫人。命婦。茶。

皇后率

妃

嬪以下行一拜禮。飲畢復拜如初。尚茶女官率尚茶婦

徹茶案退。樂止。

右就位進茶

迺進酒。尚膳女官內管領妻入

殿展

皇太后御筵

皇后御筵。以次展

妃

嬪以下席幕各退。司爵女官自黃幕內奉壺爵金卮以

次進至

殿中門闕外之左。西面立。丹陛清樂作。奏玉殿雲開之

章。進爵命婦興。離席。

皇后以下皆興。進爵命婦入

殿。北面跪。

皇后率

妃

嬪以下皆跪。女官舉壺實酒於爵。由中門入。西面跪授

爵。興退。進爵命婦奉爵興。自

寶座中陞升。當右北面跪。恭進

皇太后酒。興。由右陞降。復位。一叩。

皇后率

妃

嬪以下。行一拜禮。坐。進爵命婦興。由右陞升。跪受爵。由

中陞降。復位。跪。女官入。跪受虛爵。迺以金卮酌酒。承

懿旨。賜進爵命婦酒。女官入。立授卮。進爵命婦受卮。行一叩

禮。飲卒卮。女官立受虛卮。退。進爵命婦復叩。如初。興。

退入席。坐。執事女官分

恩賜果食於各席。

皇后以下。行一拜禮。樂止。

右奉觴上壽

迺進饌。尚膳女官率尚膳婦。以饌入。恭進於

皇太后前。中和清樂作。奏萬象清寧之章。執事女官分

賜餽饌於各席。

皇后以下。拜。如前儀。樂止。尚茶女官舉反坫案。進至殿陛

下。侍衛妻進

皇后前酒。次分

賜

皇貴妃

貴妃

妃

嬪。公主。福晉。夫人。命婦。酒

皇后率

妃

嬪以下。行一拜禮。飲畢。復拜如初。坐。是時。內監下宮門

簾。禮部滿尚書侍郎引隆慶舞進至丹陛。舞場列舞

次引隊舞大臣進至丹陛。舞喜起舞。畢。笳吹進奏。朝

鮮國俳進。百技並作。畢。各退。

右行酒樂舞入侑

內監啟簾。內管領妻升。徹

皇太后御筵退。

皇后

皇貴妃

貴妃

妃

大行禮

卷三十七

七

九清通記 卷三十七
嬪皆興離席就

殿內拜位立公主福晉夫人出

殿左右門暨大臣命婦侍衛妻按翼於丹陛上拜位立

均北上丹陛大樂作奏益平之章

樂辭詳朝賀儀

皇后率

妃

嬪以下謝

恩行二肅一跪一拜禮畢樂止引禮女官轉傳內監奏請

皇太后還後宮中和韶樂作奏履平之章

皇太后還宮樂止引禮女官奏禮畢恭引

皇后

皇貴妃

貴妃

妃

降階仍由

徽音左門出陞輿還宮內監引公主福晉命婦各退

右謝恩

歲除日

賜外藩蒙古筵燕於

保和殿前期內務府庀饌奏請

命進爵大臣既得

旨下所司戒備屆日樂部和聲署入陳中和韶樂於

殿檐下左右陳丹陛大樂於

中和殿北檐下左右笳吹隊舞雜技百戲俟於

殿外東隅武備院張黃幕於

殿南正中內務府管領設反坫於幕內尊爵金屋臺勺具尚膳總領於

寶座前設

御筵

殿內左右布外藩王公暨內大臣入殿文武大臣席

寶座左右陛布後扈大臣席前左右布前引大臣席後左

右布領侍衛內大臣暨記注官席丹陛上左右布台

吉侍衛席均按翼按品爲序東西向北上理藩院尚

書侍郎慶隆舞大臣席

殿東檐下西面禮部尚書侍郎內務府總管席黃幕左

右東西面已刻羣臣朝服畢會午刻

皇帝御殿行燕禮。凡就位進茶進爵行酒樂舞入侑燕畢

謝

恩諸儀節均與

太和殿筵燕儀同。

右除夕燕

歲春正月上元節。

賜外藩筵燕於

圓明園

正大光明殿。豫日戒所司庀饌。屆日內務府掌儀司率

內監陳中和韶樂於

殿檐下左右。陳清樂於左。陳丹陛大樂於

出入賢良門內左右。箛吹隊舞雜技百戲。俟於

殿外東西隅。武備院張黃幕。內務府掌儀司官設反坫

爵於門內正中。均如式。尚膳總領於

寶座前設

御筵。布領侍衛內大臣暨記注官席於

寶座後左右。僉向。布內外王公貝勒及入殿大臣席於

殿內左右。布貝子公額駙台吉與燕大臣侍衛等席於

殿檐下及丹墀左右均按翼為序東西面北上理藩院
尚書侍郎席

殿東檐下西面禮部尚書侍郎席黃幕左內務府總管
席黃幕右東西面已刻羣臣蟒袍補服畢會午刻

皇帝御殿行燕禮中和韶樂作奏怡平之章辭曰皇心保
太和海宇昇平樂事多瓊樹長新柯冰泮春流漲玉

河晴雲展細羅擎堯酒泛天波花舞鳥能歌齊拜手
賦卷阿燕畢

皇帝還宮樂奏昇平之章辭曰時雍頌帝堯玉珮鏗鏘慶
早朝紫禁瑞烟飄春意凌寒上柳條和風禁苑饒陳
仙樂奏箭韶三五正良霄宮漏永月輪高餘儀節均

與

保和殿筵燕同若

賜燕於

保和殿如歲除燕之儀

右上元節燕

臨雍禮成

賜講官及有事諸臣燕於禮部精膳司視人數戒光祿寺

庀饌。是日露臺上望。

闕設香案。布席於堂。精膳司官朝服視設。衍聖公內閣大學士學士翰林院詹事府禮部都察院國子監太常寺光祿寺鴻臚寺暨侍班執事各官五經博士聖裔賢裔咸與燕。三品以上人專席。四品以下二人共席。均按品爲序。至時羣官朝服畢會。無職者公服鴻臚寺序班引詣香案前聽贊行三跪九叩禮畢各就席坐。光祿寺進茶衆於坐次行一叩禮進酒叩如初酒三行燕畢各一叩興。序班引詣香案前行一跪三叩禮。所司徹燕席羣官各退。

右臨雍燕

經筵禮成

賜進講侍班執事諸臣燕於

協和門禮部精膳司戒光祿寺庀饌。是日禮部光祿寺官視布席於門南講官大學士尚書侍郎左都御史副都御史通政使副使大理寺卿少卿詹事少詹事日講起居注官鴻臚寺卿糾儀給事中御史鴻臚寺鳴贊各官依次爲位。席均西向以北爲上。屆時。

文華殿進講畢。

皇帝還宮。羣臣易常服。赴燕儀與

臨雍燕同。燕畢。詣

太和門外。

恩行一跪三叩禮。畢各退。

右經筵燕

勅命恭修

實錄。

聖訓等書。

賜總裁以下官。燕於禮部前期。禮部疏請得

旨乃奏

命大臣主席。所司戒光祿寺庖饌。屆日望

闕設香案。布席於堂。總裁官主席。大臣專席。西向。禮部

尙書侍郎專席。東向。纂修提調收掌。膳錄繙譯各官。

二人共席。左右分行相向。羣官朝服赴燕。畢謝

恩。行禮如儀。或設燕於館。燕畢。詣金水橋謝

恩。餘均如前儀。

右修書燕

凱旋燕勞之禮大軍凱旋

皇帝燕勞大將軍諸從征大臣將士卒伍咸與燕前期飭所司戒備屆日樂部和聲署陳樂懸笳吹隊舞雜技百戲並集祇埃光祿寺庖饌筵內務府張黃幕設皇帝御筵於殿中設入燕王公大臣席於左翼設大將軍從征大臣將士席於右翼皆按品為序設卒伍席於右翼之後屆時

皇帝御帳殿中和韶樂作奏隆平之章

樂辭詳軍禮凱旋儀後同

陛座樂止乃進茶丹陛清樂作

樂章樂辭隨事隨時撰擬後同飲畢樂止

大將軍奉觴上壽丹陛清樂作

皇帝以卮酒親賜大將軍大將軍跪飲如進爵大臣儀命侍衛分賜從征大臣酒徧樂止乃進饌中和清樂作殿內外羣臣行酒樂舞入侑酒三巡饌再舉樂止尙膳

徹

御筵羣臣謝

恩行禮丹陛大樂作奏慶平之章

樂辭詳凱旋儀畢樂止

駕輿中和韶樂作奏顯平之章

皇帝還宮樂止各退餘儀節與

太和殿筵燕同。

經畧大臣凱旋筵燕。與燕勞大將軍同。

右凱旋燕

順天鄉試。主考同考執事官入闈日。燕於順天府。以府尹主席。其日。府署望

闕設香案。樂部和聲署陳樂。委辦供給縣佐貳官具燕。視布席於堂。主考副都統內外簾監察御史席均南向。監臨提調席北向東西兩楹。席各三行。一行爲同考官席。二行爲外簾官席。三行爲叅領守備及巡綽等官席。印卷供給官席提調官左。稍後。供事官醫官席檐下。縣令以下委辦供給官席露臺上。均東西向。平明。主考以下官詣

午門承

旨謝

恩畢。赴燕。監試御史至二門內降輿。主考副都統至堂下。降輿治中通判迎於儀門外。尹丞迎於堂檐下。禮生引至香案前。聽贊。行三跪九叩禮。揖讓升堂。縣佐官分表花幣。府尹立堂檐下。執事官授爵酌酒。府尹南

九通通神 卷三十一
向揖。酌酒三。偕丞。揖主考。都統監試官就位。府佐揖。同考官就位。主考各官揖。尹丞如之。酒三行。饌再舉。燕畢。復詣香案前行一跪三叩禮。主考以下乘輿出。送如迎禮。揭曉翼日。復燕。是日。府堂陳設布席如前。儀設鄉貢士席於階下。第一名席稍前。西向。諸貢士席東西向。黎明。主考各官朝服。貢士吉服。赴

午門謝

恩畢。諸貢士先詣府署二門。俟主考以下至。皆一揖讓過。隨入尹丞以下迎如前儀。禮生引詣香案前行禮畢。簪花升堂。和聲署樂作。貢士序立階下。北面再拜。主考都統監試監臨提調同考官答揖。府佐官外簾執事官縣令以下均答拜畢。各就位。登歌鹿鳴之章。燕畢謝。

恩行禮如儀。主考以下皆出送如迎禮。

武鄉試入闈。揭曉筵燕儀並同。

直省文武鄉試入闈。揭曉筵燕於布政使司堂上。以布政使主席。儀均與順天府燕同。

右鄉試燕

會試入闈

賜有事各官燕於禮部。以禮部尙書主席。前期所司戒光祿寺庖饌。至日露臺上望。

闕設香案。樂部和聲署陳樂於臺南。禮部精膳司官朝服視布席。堂上東當後楣。設總裁知貢舉。副都統席。西向西當前楣。設禮部尙書侍郎席。東向左右楹外。席各三行。同考監試御史叅領。叅將巡察外。簾四所。供給收掌各官席。分行依次陳設。南北相向。又設鳴贊。醫官監門巡綽等官席於露臺上。左右皆相向。黎明總裁以下官朝服赴

午門承

旨謝

恩畢。咸集金水橋。禮部官屬入請赴燕。各官由東長安門詣部。主席迎於堂檐下。鴻臚寺官引詣香案前。北面序立。聽贊行三跪九叩禮。畢揖讓升堂。和聲署樂作。儀制司官分表花幣。光祿寺官舉壺酌酒授主席。主席立堂檐下。西面酌酒三。乃揖總裁官就位。正席獻爵。少退。揖總裁官答揖。乃揖知貢舉副都統各就位。

光祿寺官分獻同考以下官酒。總裁官詣主席席前
醉。如獻禮。各就席坐。光祿寺官供饌。燕畢各官起。席
徹。鴻臚寺官復引詣香案前。行一跪三叩禮。主席送
總裁官。如初儀。羣官各退。揭曉翼日復燕。儀同
武舉會試入闈。徹闈。燕有事各官於兵部。儀與文會
試同。

右會試燕

殿試傳臚翼日。

賜燕於禮部。曰

恩榮燕。讀卷執事各官暨諸進士咸與燕。前期禮部疏請

命大臣主席。屆日望

闕設香案。樂部和聲署陳樂。光祿寺具饌。如禮闈儀。禮
部精膳司官朝服視布席。主席大臣讀卷官瑩儀衛
使。席當後楣。西向。禮部尚書侍郎席當前楣。東向。均
專席。左右楹外。席各三行。左一行爲受卷官。席二行
爲收掌官。席三行爲書榜官。席右一行爲彌封官。席
二行爲監試官。護軍叅領。席三行爲書榜官。印卷官
席供給官。席露臺左。鳴贊官。席露臺右。均相向。二人

其席一甲進士專席於供給官之左。二甲一名。三甲一名。進士共席於一甲之後。均北向。露臺下。二甲席於左。三甲席於右。均共席。左右相向。平明。諸進士吉服。先會禮部。各官朝服。會於金水橋。辰刻。禮部官屬入請赴燕。主席暨各官由東長安門詣部。禮部尚書侍郎出迎於堂檐下。乃率諸進士重行北面。聽贊。行三跪九叩禮。畢。升堂。旅揖。和聲署樂作。主席爲一甲進士簪花。吏人分表金花於堂上下席間。序班引一甲進士詣堂檐下。東面立。諸進士序立露臺上。覲讀卷官再拜。讀卷官答揖。次見主席官。禮部尚書侍郎鑾儀使均答揖。次見執事官。再拜。執事官均答拜。畢。主席出詣堂檐下。西面立。光祿寺官酌酒授爵。主席受爵。揖酌酒。三光祿寺官以次授一甲進士酒。皆奉爵立飲。卒三爵。三揖。主席答揖。各官就位。諸進士咸就位。坐。和聲署升歌。啟天門之章。光祿寺官行酒。供饌如儀。燕畢。各官出席。率諸進士詣香案前。行一跪三叩禮。席徹。衆官退。送如初。迎禮。諸進士皆隨出。

右恩榮燕

武舉

殿試傳臚後。燕有事各官暨諸進士於兵部。日會武燕儀與

恩榮燕同。

右會武燕

衍聖公來朝入

觀畢。

賜燕於禮部。以禮部尙書主席其日。設香案於露臺上。樂部和聲署備樂。光祿寺官具饌。所司視布席。設賓主席於後堂。西當後檐。賓主席均東向。以南爲上。博士席於右楹外。北向。以西爲上。屆時。速賓。衍聖公入儀門。降輿。博士隨入。主席迎賓於堂檐下。肅揖。並揖。博士鴻臚寺官引詣香案前。北面序立。聽贊行三跪九叩禮。畢。升堂。揖如初。光祿寺官酌酒授爵。主席酌酒。三揖賓。卽席奠爵。奠箸少退。揖賓答揖。賓詣主席前。酬禮如之。咸坐。和聲署升歌。洙泗發源長之章。酒三巡。樂止。供饌畢。主賓興。席徹。鴻臚寺官復引詣案前。行一跪三叩禮。賓退。主席送如初。迎儀。羣官各退。

右燕衍聖公

東南海外諸國陪臣進貢入

朝畢

賜燕於禮部。以禮部侍郎主席。其日設香案於露臺上。光祿寺庖饌所司視布席堂上正中。位主席當後楣。西向其右。爲正使席。副使席正使下。人專席。通事從官席。副使後。從人席於西楹外。二人共席。均南向。以東爲上。貢使至部。步入儀門。主席率詣香案前。行三跪九叩禮。畢升堂。貢使見主席。行一跪三叩禮。主席答揖三。乃卽席。主席舉爵。貢使卽席一叩。飲酒三巡。供饌燕畢。謝恩如儀。貢使辭各退。

右燕外國貢使

外藩蒙古王貝勒貝子公來京

朝賀元日。畢下五旗宗室王公。各按旗諏吉日。燕會一次。每旗以親王郡王一人主席。諸王以下。咸與陪燕。禮部尙書侍郎一人。率屬觀禮。屆日。府內陳設庖饌。和聲署備樂。堂上設賓主席。賓席居右。東向。主席居

左西向。禮部尚書侍郎席於主席之次。均專席。北上。設從官席於堂門外。東向。禮部司官席於其次。均共席。乃速賓。賓至。主人出迎。行禮叙坐。從官行禮就位。並如儀。詳賓禮。王公相見儀。和聲署樂作。陳雜劇於門外。執事官行酒。進饌燕畢。從官行禮。先出。主賓興。席徹。賓拜辭。主人答禮。送如初。迎儀羣官各退。

右王公燕會

大清通禮卷之三十八

嘉禮

歲。孟春望日。孟冬朔日。舉鄉飲酒之禮於學宮。

京師禮部侍郎一人監其禮。順天府府尹為主人。以鄉之年高六十以上有德行者一人為賓。其次一人為介。又其次為眾賓。以博士一人為司正。以博士弟子習禮者二人司爵。二人贊禮。二人引禮。一人讀律令。僚佐皆與。前期戒賓。賓禮辭許。戒介亦如之。

右戒賓介

先一日。司正率執事者詣講堂肄儀。設監禮席。次於庭東北向。布賓席於堂西北南向。主人席於東南。西向。介席於西南。東向。衆賓之長三人。席於賓西南向。東上。皆專席不屬。衆賓席於西序。東向。僚佐席於東序。西向。皆北上。司正席於主人之東北向。設律令案一。於主介間正中。東西肆。又設尊案一。於東序端。南北肆。樂部和聲署。設樂懸於西階下。如儀。

右陳設布席

屆日質明。執事者入。具饌。設尊於案。實酒於尊。加罍勺。罍爵在尊北。讀律者奉律令陳於中案。既辦。禮部侍郎朝服詣學宮。就次監禮。主人率司正及僚屬咸朝服入。乃速賓介。主人立東階下。西面。僚佐序立於主人之後。西面北上。司正讀律令者立僚佐之南。北面西上。贊禮者一人立東階下。又一人立庠門之外。均西面。屆時。賓介盛服至。序立於庠門外之右。介居賓南。衆賓居介南。皆東面北上。執事者以賓至告於主人。主人出迎賓。西面揖。賓介以下。東面答揖。主人入門左。賓揖介。介揖衆賓。以次入門右。當階。主人揖。

及階揖。賓皆答揖。主人與賓讓升。三讓。賓三辭。主人升。賓乃升。主人東階上。賓西階上。贊者贊拜。主人北面再拜。賓答拜。興。卽席。主人降階延介。一讓。介升。拜如賓禮。就位。主人復揖衆賓。衆賓以次皆升。主人三揖。賓長三人。各答一揖。衆賓皆就位。主人率僚佐以下。咸就位。

右迎賓介

贊禮者贊揚。解執事者引。司正由東階升。詣堂中北面立。贊揖。司正揖。賓介以下答揖。司爵詣酒尊所。舉罍酌酒於觶。進授司正。司正揚觶而語口。恭惟

朝廷。率由舊章。敦崇禮教。舉行鄉飲。非爲飲食。凡我長幼。各相勸勉。爲臣盡忠。爲子盡孝。長幼有序。兄友弟恭。內睦宗族。外和鄉里。無或廢墜。以忝所生。語畢。贊者贊。司正飲酒。司正立飲。畢。以觶受執事者。反於案。贊揖。司正揖。賓介以下皆揖。司正復位。

右揚觶

贊讀律令。引禮。引讀律令者。就中案前北面立。賓介主人以下聽贊。咸起立。旅揖。如司正揚觶禮。乃讀律

令曰。律令。凡鄉飲酒。序長幼。論賢良。高年有德者居上。其次序齒列坐。有過犯者不得干豫。違者罪以違制。失儀則揚解者以禮責之。讀畢復位。賓主以下皆坐。

右讀律令

贊者贊舉饌案。執事者奉饌案於賓席。次介。次衆賓。主人以下徧舉訖。贊獻賓。主人起離席。北面立。司爵詣酒尊所。酌酒實爵。授主人。主人受爵。詣賓席。奠於案。稍退。賓避席。立於主人之左。贊拜。主人再拜。賓答拜。皆復位立。次獻介如獻賓之禮。次獻衆賓之長者三人。每獻一人。主人揖。賓長避席答揖。皆復位。執事者徧獻衆賓爵訖。贊賓酢主人。賓離席。司爵酌酒授賓。賓受爵。介及賓長咸離席。從詣主人席前。拜送爵。主人答拜。如前儀。復位。皆坐。

右獻賓賓酢主人

酒數行。工升歌。周詩鹿鳴之章。卒歌。笙奏。

御製補南陔詩。辭曰。我逝南陔。言陟其岵。昔我行役。瞻望有父。欲養無由。風木何補。我逝南陔。言陟其岷。今我行

六清通禮 卷三十八 四
役瞻望有母母也倚廬歸則寧止南陔有荀籜實勺之
孱孱孩提孰與咻之慎爾溫清潔爾旨肴今爾不養日
月其慙閒歌周詩魚麗之章笙奏

御製補由庚詩辭曰由庚便便東西朔南六符調燮八風
節宣王庚容容朔南西東維敬與勤百王道同王庚廓
廓東西南朔先憂而憂後樂而樂王庚恢恢南朔東西
皇極孰建惟德之依乃合樂歌周詩關雎之章卒歌王
告備出執事者行酒主賓以下飲無算爵

右樂賓

贊禮贊徹饌案衆起離席主人率僚屬在東西上賓
介在西東上皆北面贊拜主人再拜賓介以下皆再
拜賓降西階出介及衆賓從立庠門外之右東面北
上主人降東階出僚屬從送賓於庠門外之左西面
皆再拜興賓介退禮卒無愆禮部侍郎出主人率僚
屬送於庠門外皆退

右徹饌賓出

直省府州縣鄉飲酒之禮以守牧令爲主人省會及
監司分駐之地皆以監司視其禮儀注同前

大清通志 卷三十九
旨疏上王公大臣名

欽命六人總理大閱軍事。徧飭八旗火器前鋒護軍驍騎諸營各修整戎器甲冑金鼓旗纛之屬。移欽天監諷

閱武吉日以

聞。乃下所司戒備如式。

右簡帥戒辦諷吉

前期二月八旗佐領各出弁卒爲大閱之衆。

命八旗都統副都統前鋒統領護軍統領各勒所部練兵於演武場。教士衆習旌旗指麾金鼓螺角作止之節。

知行陣險夷坐起進退之法。持五兵之便戰鬪之備。

嚴明紀律罔敢不欽。前一月有司豫擇

大閱之所。除地爲場。總理閱兵王公大臣會集統軍將帥率弁卒擐甲合操於內。申令如前儀。

大閱右訓練

前二日有司豫於

行宮供張武備院卿率官校赴

大閱處列

御營張

大禮通記 卷三十九 二
幄殿設

御座於正中。張圓幄於

殿後設

御用甲冑弓矢於幄內。橐鞬具。八旗將校甲兵並赴

大閱處。依式布步騎軍營。左翼鑲黃。正白。鑲白。正藍。四旗

在東。右翼正黃。正紅。鑲紅。鑲藍。四旗在西。其前各列

漢軍。火器營四。滿洲。火器營四。次前鋒營一次。護軍

營。驍騎營。相間各四。每營橫二十有四丈。縱四十丈。

前後相隔各一丈。翼日總理閱兵王公大臣督諸軍

各宿軍幕。禁止譁譁。依分建。金鼓甲仗。威儀悉備。

右立軍幕

前一日鑾儀衛陳

大駕鹵簿步軍統領勒所部辟除

御道左右

皇帝乘輿出宮。幸

行宮。導從大臣侍衛前後扈從王公百官接

駕送

駕如儀

南郊儀

詳吉禮

右鑾駕幸行宮

屆日五鼓。鑾儀衛陳騎駕鹵簿。樂部陳饒歌樂於行宮門外。乃饗軍士食。

命王大臣率內務府官監視之。既畢。饗諸軍。皆負甲出營列陣。列陣之制。去陣前百四十有七丈。建大纛以爲軍表。左翼鑲黃。正白鑲白。正藍。以次而東。西上右翼正黃。正紅。鑲紅。鑲藍。以次而西。東上。陣內諸軍各按旗依表爲隊。最前爲漢軍火器營。滿洲護軍火器營。驍騎火器營。並列而各別其隊。漢軍驍騎火器營。每旗鹿角二十。長槍二十。連枷棍二十。綿甲兵八十人。左右引繩兵各四人。神威將軍礮十。各載以車。掌礮車兵百十人。礮手三十人。烏槍百。護礮烏槍兵百八。叅領纛十。執纛兵三十人。小旗二十。負旗領催二十人。紅旗二。麾旗領催二人。金五。鳴金兵十人。鼓一。昇鼓兵四人。擊鼓兵二人。號螺五。鳴螺兵五人。領以叅領二人。散秩官十人。驍騎校十人。漢軍烏槍營。每旗纛一。執纛領催一人。護纛兵三人。隨纛散秩官一人。領催二人。兵二十人。叅領纛五。執纛兵十有五人。紅

旗二。麾旗領催二人。鳥槍二百二十。負小旗領催二十人。兵二百人。金五。鳴金兵十人。鼓一。昇鼓兵四人。擊鼓兵二人。號螺十有三。鳴螺兵如其數。領以參領二人。散秩官五人。給使官二人。驍騎校七人。每翼統以都統二人。每旗副都統一人。滿洲驍騎火器營。每旗。纛一。執纛兵二人。子母礮六。行則駕以馬。發則就地支以木架。左右高下視遠近為節。每礮小旗一。負旗隨礮領催一人。兵九人。領以參領一人。散秩官五人。驍騎校五人。護軍鳥槍營。每旗。纛一。執纛護軍四人。紅旗一。麾旗護軍二人。小

旗十有二。負旗什長如其數。鳥槍百二十。烏槍護軍如其數。號螺十。鳴螺護軍如其數。領以護軍參領二人。護軍校十有四人。驍騎鳥槍營。每旗。纛二。執纛兵四人。紅旗一。麾旗兵二人。小旗十有二。負旗領催如其數。鳥槍百二十。烏槍兵如其數。號螺十。鳴螺兵如其數。領以參領二人。散秩官七人。驍騎校十有四人。統以火器營大臣五人。合漢軍滿洲火器營統兵大臣十有七人。將校七百十有二人。兵八千三百七十有六人。其後閒二十有五丈為首隊兵。八旗前鋒居

大清通志 卷三十九
中。八旗護軍驍騎各按翼按旗。分列前鋒左右。前鋒營每佐領出前鋒一人。每前鋒二人。用烏槍前鋒一人。每旗撥前鋒校八人。建小旗八。螺五。負旗鳴螺兵如其數。合爲一隊。列於各旗漢軍火器之次。領以前鋒參領一人。前鋒待衛一人。統以每翼前鋒統領一人。護軍營每佐領出護軍二人。合四人。建小旗一。每旗。建護軍統領大纛一。護以護軍參領五人。統以每翼護軍統領一人。驍騎營每佐領出領催驍騎二人。合四人。建小旗一。每旗號螺七。參領纛七。護以參領二人。散秩官二人。驍騎校二人。統以每翼都統二人。每旗副都統一人。合首隊前鋒護軍驍騎統帥十有六人。將校二百九十有六人。兵四千四百十人中。分前鋒營統領一人。參領二人。侍衛二人。前鋒二百人。護軍營統領一人。參領八人。護軍四百人。驍騎營副都統二人。參領八人。散秩官十有六人。驍騎校十有六人。驍騎三百二十人。再於滿洲火器營內。分烏槍護軍參領四人。烏槍護軍百六十人。烏槍驍騎參領二人。烏槍散秩官四人。烏槍驍騎百六十人。於退軍

時爲殿。又後間十有五丈爲次隊兵。八旗護軍。驍騎各按翼按旗分列。護軍營。每佐領。出護軍三人。每六人建小旗一。每旗各建護軍統領大纛一。號螺六。領以護軍參領三人。統以每翼護軍統領一人。驍騎營。每佐領。出驍騎一人。每四人建小旗一。每旗各建參領大纛四。號螺四。每參領下。出散秩官一人。驍騎校一人。領以驍騎參領一人。統以每翼都統一。人副都統一。人。合次隊護軍。驍騎。統帥八人。將校百四十。有四人。兵三千五百二十。有八人。大軍左右。分張兩翼爲

協隊。按旗相屬。斜行。鴈綴成列。護軍營。每佐領。出護軍一人。每四人建小旗一。每旗各建護軍統領大纛一。驍騎營。每佐領。出驍騎一人。每四人建小旗一。每旗各建參領大纛三。號螺三。每參領。出散秩官一人。驍騎校一人。領以驍騎參領一人。統以每翼都統一。人副都統一。人。合次隊護軍。驍騎。統帥八人。將校百三十。有六人。兵千七百六十。有四人。

二十有一人其前設五旗諸王蒙古畫角十官十人
鳴角軍二十人承傳鳴螺親軍十有二人按步撥乘
騎斜行接至鹿角前八旗護軍每旗各出護軍參領
一人護軍校一人護軍四十人滿洲蒙古漢軍合委
散秩官八人驍騎校八人驍騎三百二十人禁約謹
譁又合委傳宣官八人驍騎校八人護軍校八人承
傳軍令總大門之衆統帥凡四十有九人將校凡千
三百六十有一人步騎卒伍凡萬八千七百七十有
一人辨旗纛之等正黃正白正紅正藍四旗各如其
色體尙方鑲黃鑲白鑲藍以朱鑲紅以白體方末銳
護軍旗斜出末銳皆繪金龍裁朱繪爲火燄上綴朱
纓紅旗則綴黑纓滿洲護軍驍騎火器營暨護軍營
驍騎營皆於旗端標識號帶驍騎帶色從本旗其將
領纛上飾豹尾護軍帶色以白將纛豹飾如之漢軍
火器營將纛製小及半文以飛虎前鋒護軍建方旗
如其旗之色將纛豹飾如之諸軍指麾小旗惟不裁
火燄餘製並如前式辨甲冑之別八旗驍騎鎧甲從
其旗之色冑纓將以朱軍以黑八旗護軍鎧甲將以

大清通禮 卷三十九
白軍以藍。胄纓將以黑。軍以朱。漢軍營昇鹿角軍衣。衲褶無袖。施礮軍不介胄。衣罽袍短鎧。餘軍士各從其旗之色。若統帥大臣甲則細鎧。胄則飾貂尾。鴈翎各以其等。諸軍既成列。司礮以三礮列於軍前。乃各息聲待令。

右列陣

軍陣既嚴。兵部尙書侍郎詣

行宮奏成列。司礮舉礮三。鑼歌大樂作。奏壯軍容之章。皇帝乘騎出行宮。侍衛二十人前引。大臣十人騎而導。後護領侍衛內大臣二人。侍衛班領率豹尾班侍衛執槍十人。佩刀十人。佩弓矢十人。騎而從。

駕入

御營。

躬御甲胄。扈從王公大臣侍衛親軍。咸擐甲侍班。滿漢九卿記注官蟒袍補服。豫於

御營前恭候。兵部尙書奏請

閱兵。

皇帝佩刀出

御營屬橐鞬乘騎前張黃龍曲蓋一武備院官掌之兵部
尚書侍郎二人騎導前引後扈如前儀總理閱兵王
公大臣滿大學士乘騎隨從三旗內大臣散秩大臣
率親軍舉黃龍大纛三旗侍衛親軍各從侍衛什長
親軍校隨纛扈

牌有執事王公附豹尾班後隨行

皇帝入自左翼出右翼由列陣中路行經驍騎護軍前鋒
諸隊前火器營諸隊後陣前將校甲士各就列迴身
以向恭送

駕過後如初

皇帝周視隊伍畢還至

御營前降騎釋橐鞬

御幄殿諸大臣侍衛咸降騎隨入前引大臣分立殿前東

西面後扈大臣侍衛翼立

御座左右

殿外東西列豹尾班侍衛建黃龍大纛各一侍衛親軍
按隊環衛總理閱兵王公大臣大學士兵部尚書侍
郎立於殿外階上西位東面執事王公侍班九卿記

注官分翼立於階上東西面

御營前左右列侍衛各六人。八旗傳令官在其下。均立馬以俟。滿洲索倫蒙古善馭馬侍衛三十人。不環甲。按翼立侍衛後。備馭驚軼之馬。

皇帝賜王公大臣坐。各就位一叩坐。屆時兵部尚書出班跪。奏鳴角開操。興復位。變儀使帥鳴角軍進。

御營前蒙古大角鳴。承傳海螺。以次遞鳴。達於軍陣。司礮三舉礮。諸軍陣內擊鼓。螺角畢鳴。承傳之鳴螺兵。逐騎。以次退至。

御營左右。乃行陣。擊鼓。鳴螺。昇鹿角。整隊前進。鳴金止。一字成列。領隊甲士麾紅旗。槍礮齊發。鳴金止。再擊鼓。鳴螺。整隊而進。鳴金麾旗發槍礮。如是者九。初進以二十丈。再進以七丈五尺為率。至第十進。大小礮連環槍齊發無間。鳴金三。乃止。開鹿角為八門。首隊前鋒護軍。驍騎甲士。以次出。次隊軍隨之。火器營兵列於後。鹿角門闔。諸軍出鹿角外。既成列。八旗齊鳴螺。譟而進。左右翼兵。鴈綴斜行。成列並進。軍中鳴金止。乃鳴螺振旅而還。為殿之滿洲火器營軍及首隊前

大清通志 卷三十九
十一
鋒護軍。驍騎各立於本旗軍表之下。八旗漢軍火器營分鹿角爲八行。本旗都統建龍纛。整隊而退。首隊兵殿後。均鳴螺結隊徐還。各列於初成列之地。兵部尙書出班。跪奏大閱禮成。

皇帝入

御營。釋甲冑。扈從王公大臣侍衛各退。咸解甲具吉服。隨駕還行宮。司礮舉礮三。鐃歌清樂作。奏鬯皇威之章。將帥各率弁兵。按隊歸營。解甲徹幕。申嚴約束。依次入城。

右大閱

翼日。鑾儀衛陳

大駕鹵簿。

皇帝乘騎回鑾。警蹕如前儀。

駕還宮。羣臣奉參

起居。

恩賜賞賚各有差。

右禮成還宮

京營八旗弁兵。每歲春秋季月合操四次。春日貫甲。秋日常服。營陣規制如

大閱儀。仲春孟秋之月。按旗登城。習鳴螺。兵部遣官稽閱。歲爲常制。護軍。驍騎官兵。一歲三校騎射。本旗都統臨視之前鋒護軍。三歲一校騎射。兵部疏上領侍衛內大臣。八旗都統副都統名。每翼

欽命數人。會本翼統領臨視之。八旗滿洲漢軍火器營礮。間三歲。季秋月。演試於蘆溝橋。都城各門之礮。分三之一。更遞運往同演。

命兵部滿尚書一人臨視之。

右京營訓練

直省講武。以督撫提鎮爲闕帥。每歲季秋霜降日。申令本標弁卒。校閱於演武場。前一日。各營將弁肅隊。伍赴校場。豫立軍幕。屆日黎明。軍士擐甲列陣。中軍建大纛於場正中。闕帥以牲醴致祭。行二跪六叩禮。中軍以下將士。均隨行禮。畢。軍門鼓吹。節鉞前導。闕帥徧閱行陣。還登將臺升帳。儀衛左右分列。諸將擐甲侍臺下。中軍詣帳前。上行陣圖式。請令操兵。乃舉旗麾衆合操。臺下舉礮三。軍中鳴角。擊鼓。步騎甲士聞鼓聲。依式前進。鳴金則止。行陣中施發鳥槍。連環

槍並如

京營之製。餘若長槍。藤牌。副刀。短兵之屬。各因其地之宜。以教士卒。皆有成法。其為陣。有正有變。每變陣。視將臺號纛為指麾之節。臺上鳴角三。軍中乃鳴金振旅而還。閱畢。試材官將士騎射技勇。申明賞罰。犒勞軍士。各釋甲歸營伍。漕運河道總督屆期。訓練本標弁卒。亦如之。八旗水師操防之畧。練習於四時。其出洋信候。直省不同。每歲春秋季月。或夏秋之季。遇潮平風正日。乘戰艦列陣。張颿馭風。鳴角發礮。具如軍

律。將軍都統副都統親臨校視。綠旗水師訓練亦如之。駐防將軍都統副都統訓練八旗弁卒。及演礮如

京營之制。啟行吉日以

右直省閱兵

制。宣攝內外諸司各隨職俱備。從征將士部勒禁旅前後

備六軍

頒行軍律令

右諭吉戒

禮部

京營之製。餘若長槍、藤牌、副刀、短兵之屬。各隨其制。

宣以教士。卒皆有成法。其為陣有正。有奇。有變。

其為器。有指麾之節。臺上鳴角。三軍中乃應。

古直省閱兵

京營之師

之起。則軍。旗。鼓。鑼。各隨其制。人與兵卒。文武。悉取

軍。器。軍。器。各隨其制。人與兵卒。文武。悉取

大清通禮卷之四十

軍禮

皇帝親征之禮。

命下。內閣。諭。啟。行。吉。日。以

聞。兵。部。承

制。宣。攝。內。外。諸。司。各。隨。職。供。備。從。征。將。士。部。勒。禁。旅。前。後

備六軍。

頒行軍律令。

右詠吉戒辦

前期三日遣官各一人祇告

天

地

宗廟

社稷

太歲如常儀

右告祭

屆日遣官致祭

道路之神於

天安門外列礮於演武場遣八旗都統或副都統致祭

司礮之神均如儀鑾儀衛陳

騎駕鹵簿於

午門外前列鐃歌大樂金二金鈺四鈸二鼓二點二箏

四雲璫二管二笙二金口角八大號小號各八次御

仗六吾仗六立瓜六臥瓜六星六鈸六次五色銷金

小旗十五色銷金龍纛十次單龍赤扇六雙龍黃扇

六五色四季花繖十次豹尾槍護軍十人佩弓矢親

軍十人佩儀刀親軍十人凡親軍護軍均乘馬擎執

以旗尉乘馬如之。

堂子街門外左右列蒙古畫角十有六。海螺二百。親軍護

軍分掌之。兵部設

御營黃龍大纛於

堂子內門外之南。內大臣侍衛守之。設八旗羽林纛八。火

器營纛八。按翼分列於黃龍大纛後。各以本旗參領

一人守之。不從征王公暨滿一品官。蟒袍補服。從征

王以下大臣。服征衣。佩刀。豫往

堂子街門內。東面祇埃。從征六軍分翼列陣於都門外。司

礮官設三礮於軍前。步軍統領勒所部辟除

御道。所司以

皇帝行營次舍先發。屆吉時。禮部尙書侍郎詣

乾清門請

駕。

皇帝御征衣。佩刀。出宮。乘騎前列九龍華蓋一。武備院卿

騎導。領侍衛內大臣侍衛。咸服征衣。佩弓矢乘騎。前

後翊衛。

午門鳴鐘鼓。

騎駕鹵簿前導樂陳而不作。

駕至長安橋。軍士吸角吹螺。

駕入

堂子街門。王公以下跪候過。輿隨入。武備院官豫布

皇帝拜褥於

圓殿外甬道正中及

旗纛前。鑾儀衛移鹵簿起

堂子至

駕所出都門外。

皇帝降騎角螺止。禮部尚書侍郎恭導由內門中門入。就

圓殿外拜位。南向立。前引大臣止立門外。後扈大臣隨侍

鴻臚寺官引王公位丹陛上。引眾官位丹墀東西。鳴

贊奏跪拜興

皇帝行三跪九拜禮。王公等隨行禮畢。螺角齊鳴。禮部尚

書侍郎恭導

皇帝出

堂子內門詣

旗纛前。望纛行三跪九拜禮。不贊王公等隨行禮畢。角螺

止

皇帝乘騎導迎樂作。奏祐平之章。辭曰。禮祀隆永。維統百靈。延福儲祉。奠安神鼎。修祀祠。通紫庭。降福祥。昭德馨。領侍衛內大臣。侍衛班領。率親軍護軍。舉黃龍大纛。扈

蹕。王公以下咸騎從。

右告祭堂子

駕出都門至陳兵處。司礮三舉礮。各旗滿漢將弁士卒咸於馬上屏息俯伏。候過。整隊隨行。

駕至郊。不從。征王以下文武百官。咸蟒袍補服。跪送。候過。興皆退。六軍經行之地。有司豫修橋梁。平道路。直省文武大臣。出境迎候。三品以下守土官。迎於本界。外藩王公率屬。迎於所部。皆蟒袍補服。紳士耆民。結采於門。設香案跪接。均與

時巡同。

右鑾輿進發

車駕既載途。大軍分隊前驅。旗尉韜鹵簿。領侍衛內大臣侍衛翼

駕行庀

駐蹕行營。周視地勢。建

御營於正中。前鋒軍過

御營前。分列東西二營。遠斥堠。入旗護軍。及驍騎。張左右翼。分列十六營。火器營。軍礮軍綿甲軍。列爲四營。外藩軍。附左翼。列爲一營。綠旗軍。各自爲營。皆環

御營爲向。

御營內。張帳殿。黃幄。周以黃幔爲城。南設旌門。列黃龍大纛於門外左右。環城巡警二十有一處。領侍衛內大

臣侍衛率親軍周巡宿衛。幔城外設網城。東西南北樹旌爲三門。環城設巡警八處。護軍統領各率羽林護軍。森嚴守衛。禁語譁。稽出入。網城外布幕爲重營。東西南北各爲一門。護軍叅領侍衛鑾儀衛官。及護軍執事人。每重扈蹕閣部院寺從征各官。列幕於重營之外。大軍分翼牧馬。前軍牧於路左。留路右以待後軍。牧放禁毋越次。

駕駐行營。升礮三。諸軍悉止。從官奏事如常儀。夜漏初下。嚴更鼓。禁斷行人。內外禁旅。各分番巡警。五漏交

御營鳴鐘前營角聲起。角聲初嚴。外營蓐食治軍裝。再嚴。前軍拔營徐進三嚴。左右軍後軍輜重悉發。從征王公百官恭埃於旌門外。辨色升礮。警蹕。皇帝乘騎出營。翊衛如儀。羣臣隨後騎從。

右軍營駐蹕

軍行所至。隨時遣使致祭。

名山

大川及風雨之神。各如儀。將及所征之地。遣使齋勅。往諭不庭。

親御軍門簡閱將士。申嚴紀律。諸軍秉

盾。莫宸算分道進發。奏克捷。乃班師。

右徂征

皇帝親征。旣克有罪。乃諏吉凱旋。徧布六軍戒辦。前期一

日。遣官致祭。

旗纛之神。如儀。屆日。

鑾輿先發。諸軍整旅徐旋。所在有司。治橋梁。道路。外藩王公。直省文武大臣。暨守土官。紳士耆老。恭迎如初。

駕將至京。內閣宣下諸司。傳告在京王公百官。咸蟒袍補

服郊迎。至日。鑾儀衛陳

法駕。鹵簿自郊外五里至

堂子門外。

駕至郊。王公百官跪。候過。輿隨行。

駕入都門。大樂鼓吹前導。至

堂子內門。禮部尚書侍郎恭導。

皇帝降輿致祭。

堂子。如初儀。王公等均隨行禮。畢。鑾儀衛移設鹵簿。起

堂子至。

午門外。

皇帝乘輿入東長安門。至

午門。百官跪。候過。輿。王公隨入。至內金水橋。候

駕還宮。皆退。

右凱旋

大師凱旋翼日遣官祇告

天。

地。

宗廟。

社稷。

太歲。並遣官致祭。

陵寢及隨征。

旗纛。

司礮之神。

右告至。

迺行飲至之禮。燕從征將士於

御苑。

皇帝親勞之策勳行賞。各有差。

右飲至策勳。

禮部諷吉疏請。

御殿受賀。宣布諸司戒辦。屆日。鑾儀衛陳

法駕鹵簿。樂部和聲署陳樂懸。侍班執事官。王公百官朝

服咸集。

皇帝御太和殿。受中外羣臣表賀。如朝賀儀。

頒詔布告天下。詳見嘉禮。分遣京堂四品以上官致祭。

嶽鎮海瀆。

前代帝王。

先師闕里

右舉行慶典

御製碑銘勒石太學以告成功編次

親征方畧宣付史館

右告成紀功

命將出征之禮

皇帝命大將軍統帥諸軍出討寇亂先期內閣大學士擬

銜名奏請

欽定既得

旨禮部製印欽天監諷啓行吉日送內閣以

聞兵部徧布諸司供備前期三日昧爽鴻臚寺官豫設

勅印案於

太和殿內東楹之南內閣侍讀二人自閣奉

勅印入陳於案各退鑾儀衛率官校陳

法駕鹵簿樂部率和聲署陳樂懸王公百官咸蟒袍補服

入就班位序立如常朝儀詳見嘉禮出征大將軍暨從征

各官蟒袍補服入俟於丹墀之東西面禮部尚書侍

郎詣

乾清門請

駕。

午門鳴鐘鼓。

皇帝龍袍補服乘輿出宮導從扈衛如常儀至

太和殿北階降輿入工舉麾鼓祝中和韶樂作奏隆平

之章辭曰臨軒策將聖武恢仙仗披風雷龍驤虎賁

羣英來專闕正藉勒銘才神機翊上台恩隆轂是推

皇帝御太和殿陞座上偃麾憂敵樂止鑾儀衛官傳鳴鞭

階下三鳴鞭戲竹交丹陛樂作奏慶平之章辭曰金

殿宸開銅龍啓推轂恩隆典儀九重上爭歌喜起敷

聲教盡仰天威鴻臚寺官引大將軍升自東階立丹

陛之東北面接勅印官二人以從征內閣官充之從升立於左

西面分引從征各官按左右翼就丹墀東西拜位均

北面序立贊進少進贊跪皆跪樂暫止贊受

勅大學士一人入

殿左門就東案奉

勅由中門循左闈出授大將軍大將軍祇受轉授接勅官

跪奉以興退俟於左贊受印大學士一人奉印授大

將軍如受

勅儀樂作贊叩。與大將軍暨從征各官。行三跪九叩禮。興樂止。奉勅印官。降自東階。由

太和門中門出。大將軍從出。從征各官皆出。鑾儀衛官傳鳴鞭如初。

駕興。中和韶樂作。奏顯平之章。辭曰。降霄瑞靄。六龍迴寰。富靖氛埃。天戈遙指。闔闔開敦。忠秉信聞。外裁風雲。列陣該崇。壘計日摧。鋒車電掣。天馬徠。軍聲歡騰。九垓。

皇帝還宮。樂止。王公百官咸退。

右頒勅印

出師日。五鼓鑾儀衛陳

法駕。鹵簿於

午門外。如常儀。文武百官。蟒袍補服。按翼集

午門外。東西闕下。大將軍暨從征各官。服征衣。王負勅貝子。公。滿。大學士。將軍。都統。尚書。蟒袍補服。均東面。豫埃於

堂子街門內。兵部建八旗大纛各一。於

堂子內門外之南。軍士執螺角。列隊於街門外。從征將士

按翼分立於甬道左右。質明。禮部尚書侍郎請

乾清門請

駕

皇帝龍袍補服。乘輿出宮。

午門鳴鐘鼓。

法駕鹵簿前導。樂陳而不作。百官跪送。如常儀。

駕至長安橋。軍士吸角。吹螺。大將軍從征各官暨王公大

臣等跪候過輿。隨行。

駕進

堂子街門。螺角止。禮部尚書侍郎恭導。

皇帝降輿。就位行禮。如儀。羣臣咸隨行禮。畢。恭導

皇帝出

堂子內門。螺角齊鳴。

皇帝至纛前行禮。大將軍暨從征各官均隨行禮。畢。螺角

止。導迎樂作。奏祐平之章。辭曰。維文武畧。勲業猷崇。

欽承睿算。往征不恭。扇仁風在師中。月三捷。奏膚功。

午門鳴鐘。

皇帝回鑾是日。並遣官以師行祇告。

奉先殿。如常儀。

右祇告

其日昧爽。工部官豫張黃幄於東長安門外。南向。武

備院官俱

御座鋪陳。光祿寺官備酒以俟。

皇帝祇告

堂子禮畢。王公大臣。先至東長安門。分翼序立。大將軍暨
從征將士。先至幄外恭候。

皇帝至幄前。降輿。羣臣跪迎。入幄。

陞座內。大臣侍衛。翊立左右。

皇帝召大將軍入。

親賜卮酒。大將軍跪飲。畢。退。率從征將士謝。

恩。行三跪九叩禮。畢。佩橐鞬辭

駕。

皇帝命乘馬。乃各乘馬啟行。樂作。

皇帝乘輿還宮。王公下送官

駕。如儀。各退。乃遣官祖餞。大將軍於都門外。禮部官豫張

幕於門外道左望

闕設畫屏。香案。案前布拜席。內務府官設燕於幕內。光祿寺官備茶酒。俟於幕側。鴻臚寺官二人。蟒袍補服。俟於香案左右承

旨。餞送之。王公大臣侍衛各官蟒袍補服。俟於幕外。大軍按翼肅隊夾道東西分列。大將軍至。下馬從征各官咸下馬。王公大臣侍衛迎入。鴻臚寺官引就拜位。聽贊。行三跪九叩禮。畢。鴻臚寺官分引就燕席。禮部。兵部。尚書侍郎奉茶燕畢。望

闕謝

恩行禮。如初儀。王公大臣侍衛送至幕外。視大將軍啟行。各退。

右祖餞

或王公大臣。先出師疆場。

皇帝卽軍中

命爲大將軍。先期。

臨軒遣正副使各一人持

節齎

勅印以往。至日。大將軍率屬郊迎。豫於演武場築壇。備鋪
陳。壇上正中。設勅印案。前為香案。均南向。執事及所
屬官。各咸集。祇俟。屆時。正副使蟒袍補服。登壇。陳
勅印於案。退。東面立。大將軍蟒袍補服。詣香案前。引贊贊
跪。大將軍跪。宣勅官東面宣讀。

勅文訖。正使奉

勅副使奉印。以次授大將軍。大將軍祇受。轉授從官。跪接。
興復於案。贊叩。興。大將軍行三跪九叩禮。興。正副使
退。大將軍奉

勅印蒞事。正副使還

朝。持

節復

命。如儀

右遣使頒勅印

大將軍戰勝滅寇。諷吉凱旋。先期具疏以
聞。乃振旅還

朝。將至

京師。先遣官入奏。

皇帝命廷臣以茶酒出郭迎勞大將軍率從征將士望

闕謝

恩行三跪九叩禮畢還

朝從征將士以次歸營伍翼日黎明鹵簿樂懸陳設王

公百官陪位均如

頒勅印儀鴻臚寺官陳設黃案於丹陛正中屆時

皇帝御太和殿中和韶樂作奏隆平之章辭曰慶溢朝端

靄祥雲河山清晏鈴旗迢遞送歸鞭赫元戎繫良翰

靖獻寸誠丹載干戈和佩鸞功成萬里勒銘還遐邇

其騰歡

陞座樂止大將軍出班從征內閣官二人恭奉

勅印升丹陛大將軍詣案前跪以次恭納

勅印於案退就班位丹陛樂作奏慶平之章辭曰決勝從

容籌上將師行肆靖遐方宣武畧更敷文德垂衣治

端拱明堂大將軍乃率從征將士謝

恩聽贊行三跪九叩禮畢樂止

駕興中和韶樂作奏顯平之章辭曰雉扇徐迴通堯封齊

銷烽燧依依楊柳六師歸逮春耕修農耒論賞策勲

大清通志 卷四十一
隨九重深五絃。揮敷天率土哀時對。日月耀明威。
皇帝還宮樂止。羣臣咸退。

右凱旋

如窮寇乞命請降。乃封章入

告得

旨報可。諏吉納降。所司豫於大軍之左。築受降壇。南向。壇南百步外樹表。建受降旗。將校守之。屆日。所司詣壇鋪陳。設大將軍座於壇上正中。設案於座南。陳

勅印。設參贊大臣座於左右。東西僉向。侍衛記室官立大將軍左右。引禮立壇南左右。將領按隊伍立壇下左右。均東西面。按品爲序。北上從征軍士戎服。按翼肅隊。陳列壇外。至時。兵部總尉領降人立受降旗表下。祇埃。引禮二人詣軍門。請大將軍升壇。軍門鼓吹三舉礮。大將軍戎服乘騎出營。鼓吹節鉞前導。引禮官騎導。參贊大臣暨侍從官騎從。節鉞將至壇。兵部總尉揮降人於表前北面跪。匍伏。大將軍至壇前下馬。羣官咸下馬。引禮引大將軍陟中階登壇。南面升座。參贊大臣以下咸就位。鼓吹振作。舉礮三。兵部總尉

揮降人膝行詣壇下匍伏乞命大將軍宣諭
 皇帝威德受降量加賞賚降人泥首伏謝仍膝行退大將
 軍降座乘騎還宮軍門鼓吹舉礮導引侍從如初乃
 露布以聞率大軍凱旋如前儀

右納降一人前軍門大將軍代
 師旋諏吉祇告

大
 地

宗廟

陵寢

社稷

先師孔子並致祭

旗纛

設神各如儀羣臣恭進

賀表

皇帝陞殿受賀如朝賀儀

御製碑銘勒石太學分

命儒臣編纂方畧垂示武功。乃燕勞大將軍諸從征者咸

與燕。義詐嘉禮翼日論功行賞有差

右告成燕資

若

命重臣經畧軍務節制將帥出征不庭其

頒勅即祭

堂子饗送受降凱旋之儀均與大將軍同

